



**ՆԱՅԱՍՏԱՆԻ ՆԱԼԻԱԳԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ
Ո Ր Ո Շ Ո Ւ Մ Ը**

ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ

Քաղ. Երևան

20 հունվարի 2012թ.

Նայաստանի Նանրապետության սահմանադրական դատարանի
թիվ 1 դատական կազմը՝

Նախագահությամբ՝ Ա. Պեպրոսյանի

Անդամակցությամբ՝ Վ. Նովիաննիսյանի

Վ. Պողոսյանի

Ուսումնասիրելով քաղաքացի Գագիկ Սարգսյանի
անհատական դիմումներով գործը քննության ընդունելու մասին հարցը,

Պ Ա Ր Զ Ե Ց .

Նամաձայն ՆՆ Սահմանադրության 101-րդ հոդվածի 1-ին մասի 6-րդ կետի՝
քաղաքացի Գագիկ Սարգսյանը 30.12.2011թ. նույն խնդրո առարկա երկու առանձին դիմում-
ներով (Մտից 4-301, Մտից 4-302) դիմել է ՆՆ սահմանադրական դատարան՝ վիճարկելով
ՆՆ քրեական դատավարության օրենսգրքի 414.1-րդ հոդվածի 1-ին մասի, 414.2-րդ
հոդվածի 1-ին մասի եւ 407-րդ հոդվածի սահմանադրականությունը:

Դիմողը գրնում է, որ վերջնական ակտում կիրառված օրենքի դրույթները հակա-
սահմանադրական են, քանի որ չեն համապատասխանում Սահմանադրության 18-րդ,
19-րդ եւ 20-րդ հոդվածներին, «ծանր հեղուկանքներ» եւ «Էական նշանակություն» գնահա-
տականներն օրենքով հստակ նախատեսված չեն, որը հանգեցնում է դատավորների
կողմից միանման գործերով փարբեր մոտեցումների:

Ղեկավարվելով «Սահմանադրական դատարանի մասին» ՆՆ օրենքով եւ ելնելով
նույն խնդրո առարկա վերոհիշյալ դիմումների եւ կից փաստաթղթերի նախնական ուսում-
նասիրության արդյունքներից, գրնում ենք, որ հիշյալ դիմումների հիման վրա գործի

քննությունը սահմանադրական դատարանի կողմից ենթակա է մերժման հետևյալ պատճառաբանությամբ.

- դիմումներն ակնհայտ անհիմն են: «Սահմանադրական դատարանի մասին» ՆՏ օրենքի 27-րդ և 28-րդ հոդվածներով նախատեսված են իրավասու սուբյեկտների կողմից սահմանադրական դատարան հասցեագրված դիմումների միասնական ընդհանուր պահանջները, դիմումին կցվող նյութերի շրջանակը, իսկ անհատական դիմումի ընդունելիության հավելյալ պարտադիր պայման է նույն օրենքի 69-րդ հոդվածի 4-րդ մասի պահանջը, համաձայն որի՝ դիմումը պետք է պարունակի նաև Սահմանադրությանը հակասելու հիմնավորումներ: Խնդրո առարկա դիմումների ուսումնասիրությունը վկայում է, որ դիմողը հիմնավորում չի ներկայացրել վիճարկվող դրույթների սահմանադրականության վերաբերյալ: Բացի դրանից, դիմողը նաև չի հիմնավորել, թե վիճարկվող նորմերի «հակասահմանադրականության» արդյունքում իր որ սահմանադրական իրավունքն է խախտվել, ինչպես նաև չի հիմնավորել իր սահմանադրական իրավունքների ենթադրյալ խախտման փաստի և վիճարկվող դրույթի հակասահմանադրականության միջև պատճառահետևանքային կապի առկայությունը.

- դիմումներով վիճարկվող ՆՏ քրեական դատավարության օրենսգրքի 414.2-րդ հոդվածի 1-ին մասի և 407-րդ հոդվածի մասով դիմումում առաջադրված հարցի վերաբերյալ առկա են ՆՏ սահմանադրական դատարանի մի շարք, մասնավորապես, 30.01.2007թ. ՄԴՈ-674 (որով ամրագրվել է, որ ՆՏ քրեական դատավարության օրենսգրքի 407-րդ հոդվածի 3-րդ մասը համապատասխանում է ՆՏ Սահմանադրությանը), 11.04.2007թ. ՄԴՈ-691 (որով ամրագրվել է, որ ՆՏ քրեական դատավարության օրենսգրքի 414.2-րդ հոդվածի 1-ին մասի 1-ին և 3-րդ կետերի դրույթները համապատասխանում են ՆՏ Սահմանադրությանը) և 20.07.2007թ. ՄԴՈ-709 (որով ամրագրվել է, որ ՆՏ քրեական դատավարության օրենսգրքի 407-րդ հոդվածի 4-րդ մասի և 414.2-րդ հոդվածի 1-ին մասի 2-րդ և 4-րդ կետերի դրույթները համապատասխանում են ՆՏ Սահմանադրությանը) որոշումները, ինչը, որպես գործի քննությունը մերժելու հիմք, սահմանված է «Սահմանադրական դատարանի մասին» ՆՏ օրենքի 32-րդ հոդվածի 3-րդ կետով:

Միաժամանակ հարկ ենք համարում նշել, որ դիմողի կողմից մատչանշված՝ 25.02.2011թ. ՄԴՈ- 943 որոշումը կիրառելի չէ խնդրո առարկա գործով, քանի որ հիշյալ որոշման մեջ ՆՏ սահմանադրական դատարանն անդրադարձել է իր այն որոշումներին, երբ վիճարկվող դրույթը ճանաչվել է ՆՏ Սահմանադրությանը համապատասխանող՝ իր իրավական դիրքորոշումների շրջանակում, արձանագրելով, մասնավորապես, որ երբ սահմանադրական դատարանը, որոշման եզրափակիչ մասում բացահայտելով օրենքի դրույթի սահմանադրաիրավական բովանդակությունը, այն ճանաչել է Սահմանադրությանը համապատասխանող և միաժամանակ գրել է, որ այդ դրույթը նրա նկատմամբ

կիրառվել է այլ մեկնաբանությամբ, դիմողի նկատմամբ կայացված վերջնական դատական ակտը նոր հանգամանքի ի հայտ գալու հիմքով ենթակա է վերանայման: Խնդրո առարկա գործով նման իրավիճակ առկա չէ:

Ելնելով վերոգրյալից եւ ղեկավարվելով «Սահմանադրական դատարանի մասին» ՆՏ օրենքի 32-րդ հոդվածի 3-րդ, 6-րդ կետերով, 69-րդ հոդվածի 7-րդ մասով, ՆՏ սահմանադրական դատարանի կանոնակարգի 26-րդ հոդվածով՝ ՆՏ սահմանադրական դատարանի թիվ 1 դատական կազմը

Ո Ր Ո Շ Ե Ց .

1. Քաղաքացի Գագիկ Սարգսյանի՝ 30.12.2011թ. Մտից 4-301 անհատական դիմումով գործի քննության ընդունումը մերժել:

2. Քաղաքացի Գագիկ Սարգսյանի՝ 30.12.2011թ. Մտից 4-302 անհատական դիմումով գործի քննության ընդունումը մերժել:

Նախագահող

Անդամներ



20 հունվարի 2012 թվականի
ՍԴԴԿՈ/ 1-2